

Zu Wolffenbüttel durch ein druck  
 Darinnen warn viel böser stuch,  
 Schelm vnd schmehn, vnd grausam schenden  
 Der Teuffel sass ihm inn lenden,  
 Ich glaub nicht, das dieweil die welt  
 Bestanden ist, ein solch geschelt  
 Auff erdn gehört, als trieb das Ross,  
 Er scharrt, es pocht, wer nicht gewost  
 Hett seine art vnd dück gefant,  
 Darmit es beschrien inn allem Landt  
 Der hett sich mugn entsetzen daruor,  
 Also hoch gieng das thier entpor,  
 Es schry vber laut, es wolt den Krantz,  
 Den Gott mit Rauthen hat gepflantz,  
 Zertretten vnd zerreißen gar,  
 So toll vnd gantz vnsinnig war  
 Das arme Ross, so hat kein schwantz,  
 Das dich bestehen muß der tantz  
 Den man von Sanct Beit thut nennen,  
 Viel leut mit schaden wol kenne,  
 Du strumpfsicht Ross, du schelm so groß,  
 Pack dich von hinnen zu dein gnos,  
 Das Rauttenkrentzlein bleibt vor dir  
 Vnd deinem anhang, glaub du mir,  
 Inn Fürstlichn ehren bleibt es bestan,  
 So lang im Gott sein gnade gan,  
 Desgleich der Leb so roth vnd weiß  
 Bleib stehn inn ehren lob vnd preis,  
 Do du weißer strumpfsichter schelm  
 Wirst haben weder Schilt noch Helm,  
 Das Tischtuch wird geschnitten vor dir  
 Dann dir gebürt ein solche zier,  
 Das Rauttenkrentzlein hat sich gwant  
 Dir auffgefressen leut vnd landt,  
 Zu deinem ewigen schad vnd schandt,  
 Ihr Persesanten vnd Ehrnholt  
 Auff diesen Schelm gebt acht, Ihr solt  
 Das Ampt so euch beuolhen ist  
 Gebrauchen legen ihm, zur frist,  
 Darmit ein ieder Biderman  
 Sich wisse fort zustossen dran  
 Zu hüten vor der Meutherey,  
 Vnd solcher grossen büberey

[rw]

[9.]